



SAMBAND ÍSLENSKRA SVEITARFÉLAGA

Félagsmálaráðuneytið
b.t. skrifstofu barna- og fjölskyldumála
Skógarhlíð 6
105 Reykjavík

Reykjavík 9. apríl 2021

2103051SA TP
Málalýkill: 00.64

Efni: Framkvæmdaáætlun í málefnum innflytjenda 2021-2024 - umsögn um drög

Vísað er til samráðsgáttar stjórnvalda (mál nr. S-87/2021) þar sem kynnt hafa verið drög að tillögu til þingsályktunar um framkvæmdaáætlun í málefnum innflytjenda fyrir árin 2021-2024.

Samband Íslenskra sveitarfélaga hefur átt aðild að vinnu við drögin enda eru sveitarfélögin (og sambandið fyrir þeirra hönd) tilgreind sem samstarfsaðilar ráðuneyta um nánast sérhverja aðgerð í drögunum. Margt í drögunum er beint framhald af aðgerðum sem ráðast átti í á gildistíma núverandi áætlunar (2016-2019) en hafa ekki náð fram að ganga eða skilað tilætludum árangri. Margar ástæður eru fyrir því eins og rakið er í stöðumati Fjölmenningsarseturs dags. 5. september 2019 (uppfærðu af ráðuneytinu í nóvember 2019).


Þar sem sveitarfélögin eru lykilsamstarfsaðili um áformaðar aðgerðir kemur á óvart að ekki hafi verið brugðist við rökstuddum ábendingum sambandsins á síðasti stigi áður en málið var sett í samráðsgátt, sbr. tölvupóst til ráðuneytisins dags. 12. janúar sl. Þeim pósti fylgdu drögin eins og þau stóðu á þeim tíma með innfærðum breytingartillögum og athugasemdum. Í fljótu bragði verður ekki séð að tekið hafi verið tillit til neinna tillagna eða athugasemda sem þar komu fram.

Eins og vikið var að hér að ofan tókst ekki nægilega vel að framfylgja síðustu framkvæmdaáætlun í málefnum innflytjenda fyrir árin 2016-2019. Sveitarfélögunum er umhugað um að betur takist til með innleiðingu þessarar áætlunar. Með það fyrir augum fer sambandið vinsamlegast fram á það við ráðuneytið að efnt verði til fundar þar sem farið verði yfir viðbrögð við meginspurningum sem uppi eru í málinu:

- Hvernig verður góð eftirfylgni tryggð við aðgerðir áætlunarinnar, sbr. umsögn Svf. Árborgar?
- Hefur félagsmálaráðuneytið bolmagn til þess sjálft að bera ábyrgð á 19 aðgerðum auk þess að sinna eftirfylgni með sínum aðgerðum og hinum 12 sem eru á ábyrgð annarra stjórnvalda?
- Er áætlunin of fröppung, þ.e. of margar aðgerðir settar á fyrri tvö árin?
- Eru 25 m.kr. árlegt framlag skv. fjármálaáætlun nægilegt til þess að standa undir framkvæmd umræddra aðgerða á ábyrgð félagsmálaráðuneytis og stofnana þess?
- Hvernig verður fjármögnun Ráðgjafarstofu fyrir innflytjendur (aðgerð A.2) háttáð eftir að sérstakri fjárveitingu til verkefnisins hefur verið ráðstafað?

Tekið skal skýrt fram að sambandið telur mjög margt í drögunum vera jákvæð skref og fagnar því að kostnaður er nú tilgreindur við flestar aðgerðir í áætluninni. Fjárhæðir eru hins vegar lágar og ljóst að ef framtíðarfjármögnun Ráðgjafarstofu innflytjenda á að koma af gildandi útgjaldaramma skv. fjármálaáætlun mun það riðla framkvæmd allra annarra aðgerða í áætluninni.

Virðingarfyllt
SAMBAND ÍSLENSKRA SVEITARFÉLAGA



Karl Björnsson
framkvæmdastjóri